

19 ақпан,
бейсенбі,
2026 ЖЫЛ
№20 (19591)

www.7-su.kz
Jetisu2002@mail.ru



Тәуелсіздік – бәрінен қымбат!
Қасым-Жомарт ТОҚАЕВ

Газет 1918 жылғы маусымнан шығады

● ЖЕТИСУ ОБЛЫСТЫҚ ҚОҒАМДЫҚ-САЯСИ, ӘЛЕУМЕТТІК-ЭКОНОМИКАЛЫҚ ГАЗЕТ ●

РАМАЗАН

Наурызбай қажы ТАҒАНҰЛЫ,
Қазақстан мұсылмандары діни
басқармасының төрағасы, Бас мүфти

ОРАЗА ҚАБЫЛ БОЛСЫН,
ҰСТАҒАН ЖАН!

Аса рақымды, ерекше мейірімді Алланың атымен бастаймын! Барлық мақтау әлемдердің Рабысы Аллаға тән! Ардақты Пайғамбарымызға Алланың салауаты мен сәлемі болсын!

Ардақты ағайын,
қадірлі жамағат!

Сіздерді ісі мұсылман баласы асыға күтетін, он екі айдың сұлтаны болған қасиетті Рамазан айының келуімен шын жүректен құттықтаймын! Алла Тағала қасиетті айда ұстайтын орамамызды, ізгі амалдарымызды қабыл етіп, мол сауаптан жазғай.

Ораза – ең алдымен жүректің амалы. Рамазан – жүректі тазартуға, ниетті түзетуге, нәпсіні тәрбиелеуге және тақуалыққа жетуге мүмкіндік берілген қасиетті ай. Оразаның шынайы рухын түсінген адам ас пен судан тыйылуды басты мақсат етпейді. Ауыз бекітудегі негізгі мақсат – жүректі Аллаға жақындатып, ой мен жүректі түрлі дерттен тазалау, ішкі жан дүниені көркем мінезбен безендіру.

Пайғамбарымыз (оған Алланың салауаты мен сәлемі болсын) Алла Тағаланың назары жүрекке болатындығын баяндап: «Расында Алла Тағала сендердің бейнелерің мен дүниелеріңе назар аудармайды, алайда жүректерің мен амалдарыңа назар аудара-ды», – деген. Шын мәнінде оразаның шынайы сауабы – аштықта емес, тақуалықта.

Өйткені Алла Тағала қасиетті Құранда «Бақара» сүресінің 183-аятында: «Уа, иман еткендер! Өздеріңнен бұрынғыларға парыз етілгендей сендерге де ораза ұстау парыз етілді. Бәлкім, сол арқылы (асау нәпсіні тізгіндеп), күнә атаулыдан сақтанып, тақуалыққа жетерсіңдер», – деп айтқан.

Сан ғасырдан бері Ислам дінін рухани тірегі еткен халқымыз берекелі Рамазан айын ерекше дайындықпен күтеді. Сауаптар еселеніп жазылатын айда ауызашар беріп, көмекке мұқтаж жандарға қайырымдылық жасап, үлкендердің алғысы мен батасын алуға тырысады. Аллаға шүкір, оразада игі ниетпен орындалатын ізгі амалдар бүгінде салт-дәстүрімізге айналып, ұрпақтан-ұрпаққа жалғасып келеді.

Осы ретте барша отандастарымды Қазақстан мұсылмандары діни басқармасының қасиетті айда ұйымдастыратын қайырымдылық іс-шараларына үлес қосуға шақырамын. Кәсіпкерлерді әлеуметтік маңызы бар азық-түліктердің бағасына жеңілдік жасауға үндеймін. Рамазан айына тура келген құдайы астарды ауызашар уақытында өткізіп, көбірек сауап алуға тырысайық.

Қоғамдық тамақтану орындарында ауызашар мәзірін халыққа ыңғайлы бағаман ұсыну да – сауапты істің бірі. Дүкендерде күллі жамандықтың бастауы болған арақ-шарап сатылмаса деген тілегімізді жеткіземіз.

Берекелі, сауабы мол айда Алланың мейіріміне бөленіп, әрбір ізгі амалымыздың жақсылығы еселеніп жазылғай! Еліміз аман, жеріміз тыныш, тәуелсіздігіміз баянды болғай! Жаратушы Жаббар Иеміз келер жылғы Рамазан айына аман-есен жетуімізді нәсіп еткелі! Әумин!

КОНСТИТУЦИЯЛЫҚ РЕФОРМА

Премьер-министрдің орынбасары – Мәдениет және ақпарат министрі, Коалиция төрағасының орынбасары Аида Балаева облысқа арнайы іссапармен келді. Осыған орай Талдықорған қаласындағы «Атамекен» кәсіпкерлер палатасы алаңында «Әділетті және Прогрессивті Қазақстанның Халықтық Конституциясы үшін» жалпыұлттық коалициясының жұмысы шеңберінде облыс активімен кездесу өткізіп, жаңа Конституция жобасы мен саяси жүйенің басты өзгерістерін талқылады. Іс-шара жаңа Конституция жобасы мен алда болатын республикалық референдум бойынша түсіндіру жұмысының бөлігі ретінде ұйымдастырылды.

Айдар ҚАЛИЕВ

Аида Ғалымқызы өз сөзінде реформаның саяси-әлеуметтік мәніне кеңінен тоқтала келе, Мемлекет басшысының ұйытқы болуымен қолға алынған өзгерістер мемлекеттік басқарудың әділ, орнықты әрі тиімді моделін қалыптастыруға бағытталғанын атап өтті. Кең көлемді реформалар пакетінің басты ережелерінің бірі ретінде бір палаталы Парламенттің құрылуын тілге тиек етіп, бұл өз кезегінде институттардың жауапкершілігін күшейтіп, заңнамалық үдерісті жеделдете түсетінін айтты.

«Мемлекет басшысының референдум өткізу туралы шешімі азаматтардың тікелей таңдауы арқылы тағдыршеешті өзгерістерді бекітуге бағытталған маңызды демократиялық қадам деп есептеймін. Референдум – жай ғана формалды процедура емес, ол – стратегиялық маңызды шешімдерді қабылдауға халықтың тікелей қалысуының тиімді тетігі», – деп атап өтті Аида Балаева.

Ел тарихынан орын алған маңызды сәтте әркім өз таңдауын жасауға құқылы. Жиында сөз алған Мәжіліс депутаты Болат Керімбек жаңа жобаның әлеуметтік және құндылық тұрғысындағы ерекшелігіне тоқталды. Оның айтуынша, адамдар Конституцияны қауіпсіздік пен әділдіктің іс жүзіндегі кепілдігі ретінде сезінуге тиіс. «Референдумда таңдау жасау – өз тағдырың үшін әрі мемлекеттің болашағы үшін жауапкершілік. Өйткені Конституция – мемлекеттің ғана емес, әрбір отбасының да қорғаны», – деп атап өтіп, қоғамдық келісім мен ұлттық құндылықтарды нығайтудың маңызын еске салды.

Жаңа жобаны талқылау жиынына Мәжіліс депутаты Никита Шаталов, Абай атындағы ҚазҰПУ басқарма төрағасы – ректоры Болат Тілеп,



МАҢЫЗДЫ
ДЕМОКРАТИЯЛЫҚ ҚАДАМ

«Қазақстан халқына» ҚК басқарма төрағасы Ләззат Шыңғысбаева, «Қазақстандық қоғамдық даму институты» КеАҚ басқарма төрағасы Жұлдызай Ыскакова, облыстық мәслихаттың төрағасы Гүлнар Тойлыбаева, облыстық Ардагерлер кеңесінің төрағасы Ермек Келемсейіт қатысты.

Қазақ ұлттық педагогикалық университетінің басқарма төрағасы – ректоры Болат Тілеп жаңа Конституцияның маңызы мен мазмұнын туралы ойымен бөлісті.

«Жаңа Ата Заңның мазмұнында «Әділетті Қазақстан» идеясының арман-мұраты, мүмкіндіктері мен жауапкершілігі, сауалдары мен жауаптары көрініс тапқан. Ұсынылып отырған өзгерістердің терең мағынасы мен тарихи маңызын осыдан көреміз», – деп атап өтті ол.

«Қазақстандық қоғамдық даму институты» КеАҚ басқарма төрағасы Жұлдызай Ыскакова неке институтын конституциялық тұрғыда нығайту мәселесін көтеріп, мемлекеттің құқықтық және қоғамдық не-

гіздерін дамытудағы аталған нормалардың маңызын тілге тиек етті.

«Некені ер мен әйелдің еркін әрі тең құқылы одағы ретінде конституциялық тұрғыда бекіту қоғам тарапынан қолдау тауып отырған неке моделін жоғары заңдық күші бар норма ретінде бекітуге, мемлекеттік органдардың құқық қолдану және профилактикалық қызметі үшін бірыңғай бағдар қалыптастыруға, некеге мәжбүрлеудің кез келген формасына қатысты нөлдік тәзімділікті қамтамасыз етуге, отбасы институтын ұзақ мерзімді орнықты қазақстандық қоғамның негізі ретінде нығайтуға мүмкіндік береді», – деп түсіндірді Ж. Ыскакова.

Облыстық Ардагерлер кеңесінің төрағасы Ермек Келемсейіт Парламент атауының Құрылтай болып өзгеруі жайындағы бастаманың маңызы туралы айта келе, оның тарихи әрі рухани терең мәніне назар аударды. «Біз де Парламенттің Құрылтай деп аталуы туралы бастаманы жай ғана атын

ауыстыру емес, тарихи табиғатымызға қайту әрі ұлттық бірегейлікті бекіту ретінде қараймыз. Бұл – біздің мемлекеттік дәстүрлеріміздің жаңғыруы мен дамуы», – деді.

Облыстық мәслихаттың төрағасы Гүлнар Тойлыбаева жаңарған Ата Заңның басты ережелеріне қатысты ойын білдіріп, мемлекеттің құндылықтық бағдарларын нығайту мәселесіне ден қойды.

«Әділдік, Заң мен Тәртіп, табиғатқа ұқыпты қарау Конституция деңгейінде тұңғыш рет бекітіліп отыр. Мемлекеттік биліктің қайнар көзі Қазақстан халқы екені айқын жазылды. Басты идея – білімнің, ғылымның, мәдениет пен инновацияның, сондай-ақ адам капиталының дамуына басымдықтың берілуі», – деп атап өтті.

Кездесу соңында аймақтық актив тарапынан қатысушылар сұрақтарын қойып, түсіндіру жұмысы бойынша ұсыныстарын айтты. Сондай-ақ, азаматтардың референдумға қатысуының маңызын атап өтті.



ГАЗЕТКЕ KASPI QR АРҚЫЛЫ
ЖАЗЫЛУҒА БОЛАДЫ

Құрметті оқырман!

Аймақтың тыныс-тіршілігі мен әлеуметтің әлеуетінен хабардар болып, сан саланы қамтыған мемлекеттік бағдарламалар жайлы білгіңіз келсе, қоғамды ғана емес, өзіңізді толғандыратын сауалдарға жауап іздесеңіз, өнер өрісі мен әдебиет әлеміне қызықсаңыз, тамыры терең тарихымыздан нәр алуды ойласаңыз облысымыздың төл басылымы, қазақ баспасөзінің атасы «Jetisy» газетіне жазылыңыз. Ол үшін «Қазпошта» АҚ арқылы немесе газет редакциясынан жазылып, қолдау көрсетіңіз.

Баспасөзге жазылуға қатысты сұрақтар бойынша мына нөмірлерге хабарласуыңызға болады:
8 (7282) 40-20-69, 8 7753558958, 87474106909.

КОНСТИТУЦИЈАЛЫҚ РЕФОРМА

МЕМЛЕКЕТТІҢ
ІРГЕТАСЫ

Жаңа Конституция – еліміздің қазіргі саяси-құқықтық даму кезеңін айқын көрсетеді. Онда Әділетті Қазақстанның негізгі конституциялық құндылықтары нақты бекітілген. Бұл құндылықтардың негізінде – адам, оның өмірі, құқықтары мен бостандықтары тұр.

«Әділетті Қазақстан» құндылықтары мен «Заң мен тәртіп» қағидалары нығайтылды. Сонымен бірге азаматтардың құқықтары мен бостандықтарының ең жоғары басымдылығы нақты айқындалды. Қазақстан Республикасы қызметінің негізін қалаушы қағидаттары қайта пайымдалып, түбегейлі түрде кеңейтілді: егемендік пен тәуелсіздікті қорғау, адам құқықтары мен бостандықтарын сақтау, заң мен тәртіптің үстемдігін қамтамасыз ету, жалпыұлттық бірлікті нығайту, халықтың әл-ауқатын арттыру. Сондай-ақ жауапты әрі жасампаз патриотизм идеясын ілгерілету, қоғамдық диалогты дамыту, еңбекқорлық, прогресс пен білім құндылықтарын орнықтыру, жоғары экологиялық мәдениетті қалыптастыру, тарихи-мәдени мұраны сақтау және ұлттық мә-

дениетті қолдау басым бағыттар ретінде айқындалды.

Аталған қағидаттардың мәні терең және олар алғаш рет Конституция деңгейінде бекітіліп отыр. Әрқайсысы қоғамның сұранысын білдіріп, Әділетті Қазақстанды құруға бағытталған дәйекті стратегиялық бағытты айқындайды.

Қазақстанның сыртқы саясатының негіздері өзектендірілді. Олар – халықаралық құқықтың қағидаттары мен нормаларын құрметтеу, сыртқы саясатты бейбітшілік пен ынтымақтастық рухында жүргізу азаматтың негізгі құқықтарының барлық санаттарының мазмұны – жеке, әлеуметтік-экономикалық және саяси құқықтар – тиісті кепілдіктерді бекіту арқылы жаңартылды.

Жеке адамның қол сұғылмаушылығына берілетін кепілдіктер

күшейтілді. Атап айтқанда, адам қадір-қасиетімен қатар ар-намысының қол сұғылмаушылығы танылды, цифрлық дәуірде дербес деректерді қорғау және процестік ықпал ету шараларын қолдану кезіндегі адам құқықтары қамтамасыз етіледі.

Жаңа Конституция қоғам мен мемлекеттің стратегиялық дамуының мақсаттарына сай келіп, негізгі қоғамдық-саяси институттарды түсіну және олардың даму перспективаларына қатысты заманауи тұжырымдамалық тәсілдерді қамтиды.

Жаңа Конституция қоғам мен мемлекеттің стратегиялық даму міндеттеріне жауап бере отырып, негізгі қоғамдық-саяси институттарды түсіну және олардың даму перспективаларын бағалау үшін заманауи тұжырымдамалық тәсілдерді қамтиды.

Барлық новелла адам құқықтарын толық іске асыруға және Конституцияға негізделген құқық үстемдігін қамтамасыз етуге жағдай жасайды. Олар «Күшті Президент – Ықпалды Парламент – Есеп беретін Үкімет» концепциясының логикасына сай келеді.

Елдің жаңа Негізгі Заңы қоғам мен мемлекет эволюциясының сапалы жаңа кезеңін бастауға берік негіз қояды.

Жандос БЕКСҰЛТАН,
облыстық Әділет
департаментінің басшысы

БІЛІМНІҢ
ҚОЗҒАУШЫ КҮШІ

Қазақстан Республикасы Конституциясының жобасында білім беру, адам капиталы, ғылым және инновация мемлекеттің стратегиялық даму бағыттары ретінде айқындалуы – еліміздің болашағына бағытталған маңызды қадам. Аталған ұстанымдар білім беру жүйесінің, соның ішінде техникалық және кәсіптік білім берудің қоғамдағы ролін айқындай түседі.

Конституция жобасында мемлекеттің кәсіби және техникалық білімнің қолжетімділігін қамтамасыз етуі, тұлғаның дамуы мен кәсіби даярлығына жағдай жасауы негізгі міндет ретінде белгіленген. Бұл нормалар техникалық және кәсіптік білім беру ұйымдарының, оның ішінде колледждердің қызметін құқықтық тұрғыдан нығайтып, оларды еңбек нарығының сұранысына сай білікті кадрлар даярлаудың маңызды буыны ретінде бекітеді.

Талдықорған жоғары политехникалық колледжі үшін бұл өзгерістер ерекше мәнге ие. Конституциялық деңгейде білімнің стратегиялық басымдық ретінде танылуы колледждерде жұмысшы және техникалық мамандықтарды, сондай-ақ, заманауи IT және цифрлық бағыттарды жүйелі түрде дамытуға берік негіз қалайды. Бүгінгі таңда колледжде оқу бағдарламаларын жаңарту, практикалық бағыттағы пәндердің үлесін арттыру, дуалды оқытуды кеңейту және цифрлық құзыреттерді қалыптастыру бағытында нақты жұмыстар жүргізілуде.

Колледжде білім беру үдерісін цифрландыруға

ерекше көңіл бөлінуде. Электрондық білім беру ресурстары, ақпараттық жүйелер, цифрлық платформалар кезең-кезеңімен енгізіліп, студенттердің IT дағдыларын дамытуға бағытталған оқу ортасы қалыптастырылуда. IT мамандарын колледж деңгейінде даярлау заңды әрі өзекті бағыт ретінде қарастырылып, цифрлық мамандықтар техникалық және кәсіптік білім берудің ажырамас бөлігіне айналып отыр.

Конституция жобасында жеке өмірге қол сұқпаушылық пен дербес деректерді, оның ішінде цифрлық технологияларды қолдану жағдайында қорғау нормаларының бекітілуі білім беру саласын цифрландыру үшін маңызды құқықтық алғышарт саналады. Бұл колледжде цифрлық шешімдерді қауіпсіз және жауапты түрде енгізуге мүмкіндік береді. Осылайша, Конституция жобасында бекітілген білім беру мен цифрлық құқықтарға қатысты нормалар техникалық және кәсіптік білім беру жүйесін жаңғыртуға, оқу бағдарламаларын цифрлық экономиканың талаптарына бейімдеуге және өңірдің әлеуметтік-экономикалық дамуына үлес қоса алатын бәсекеге қабілетті мамандарды даярлауға жол ашады.

Талдықорған жоғары политехникалық колледжі білім беру саласына қатысты ұсынылып отырған конституциялық нормаларды қолдай отырып, оларды заманауи, тұрақты және болашаққа бағдарланған техникалық және кәсіптік білім беру жүйесін қалыптастырудың маңызды құқықтық негізі деп санайды.

Шыңғыс НҮРҒОЖАЕВ,
Талдықорған жоғары политехникалық
колледжінің директоры

ҚҰҚЫҚТЫ
НАҚТЫЛЫҚҚА
БАҒЫТТАЛҒАН

Конституциялық комиссия барлық түскен ұсыныс пен талқылау негізінде өзара келісілген және Конституция мәтініне енгізілген түзетулердің жинақталған жобасын дайындады.

Ұсынылып отырған жобада кіріспе, 11 бөлім және 95-бап бар (қолданыстағы редакцияда – Кіріспе, 9 бөлім және 101 бап).

Екі жаңа бөлім енгізілді: «Халық кеңесі» және «Конституцияға өзгерістер мен толықтырулар енгізу». Төрт бөлімнің атауы өзгерді: «Жалпы ережелер» – «Конституциялық құрылыс негіздері», «Адам және азамат» – «Негізгі құқықтар, бос-

тандықтар мен міндеттер», «Парламент» – «Құрылтай», «Соттар және сот төрелігі. Прокуратура. Адам құқықтары жөніндегі уәкіл» – «Сот төрелігі. Прокуратура. Құқық қорғау тетіктері». 77-бапқа түзету енгізілді, бұл Конституция мәтінінің 84 пайызын құрайды.

Осылайша өзгерістер мен толықтырулар Негізгі Заңның барлық бөлімін қамтиды. Бөлімдердің атауларын

өзгерту немесе баптардың тұжырымдарын нақтылау – жай редакциялық түзету емес, бұл тұжырымдамалық тәсілді жаңартатын, құқықтық нақтылықты күшейтетін және Негізгі Заңның сапасын арттыратын терең ойластырылған қадам.

«Нормативтік-құқықтық актілер туралы» Заңға сәйкес, егер нормативтік-құқықтық актінің мәтініне оның жартысынан астамын қамтитын өзгерістер немесе толықтырулар енгізілсе, оның жаңа редакциясы қабылданады. Осыны, ұсынылып отырған өзгерістердің ауқымы мен мазмұнын ескере отырып, қазіргі заман талабына, қоғам қажетіне және мемлекеттің стратегиялық даму мақсатына сай келетін Қазақстан Республикасы Конституциясының жаңа редакциясын қабылдау орынды әрі негізді болды.

Демек, сөз жекелеген түзетулер туралы емес, Негізгі Заңның мазмұны мен тұжырымдамалық негізін түбегейлі өзгертетін терең конституциялық жаңғырту туралы болып отыр.

Дәурен ОҢАЛБАЕВ,
облыстық кәсіпкерлер
палатасының директоры

ӨЗЕКТІ

СУ САЛАСЫНДАҒЫ
ЦИФРЛАНДЫРУ –
УАҚЫТ ТАЛАБЫ

Алакөл ауданының ауыл шаруашылығы және жер қатынастары бөлімінің ұйымдастыруымен аудан шаруа қожалықтары басшыларына су пайдалану саласындағы цифрландыру және электрондық келісімшартқа көшу тәртібі бойынша түсіндіру жұмыстары жүргізілді.

Қажет АНДАС

Жиын барысында су ресурстарын тиімді пайдалану, келісімшарттарды электронды форматта рәсімдеу тәртібі және саладағы жаңа талаптар кеңінен талқыланды. Басқосу суармалы егіншіліктің маңыздылығы артып отырған кезеңде су үнемдеу мәдениетін қалыптастыру мен ашықтықты қамтамасыз етуге бағытталды.

Аудандық ауыл шаруашылығы және жер қатынастары бөлімінің бас маманы Әли Сембаев су пайдалану жүйесін цифрландыру – саладағы тәртіпті күшейтіп, нақты есеп жүргізуге мүмкіндік беретін маңызды қадам екенін атап өтті.

– Бүгінде су көлемін есепке алу, келісімшарттарды уақытылы рәсімдеу және төлем тәртібін реттеу мәселелері өзекті. Электрондық форматқа көшу – адами факторды азайтып, процесті жеңілдетеді әрі шаруаларға қолайлы жағдай жасайды, – деді ол.

«Қазушар» РМК Жетісу облысы бойынша филиалы директорының орынбасары Думан Сайлабаев су жеткізу қызметінің жаңа талаптары мен тарифтік саясаттағы өзгерістерге тоқталды. Оның айтуынша, электрондық келісімшарттар су беру кестесін нақтылауға және тұтынушылармен жұмысты жүйелеуге мүмкіндік береді.

– Су – стратегиялық ресурс. Әр текше метрдің есебі болуы тиіс. Цифрландыру арқылы біз су шығынын азайтып, әділ бөлуге қол жеткіземіз, – деді ол.

Су ресурстарын реттеу, қорғау және пайдалану жөніндегі Балқаш – Алакөл бассейндік инспекциясы мемлекеттік бақылау бөлімінің бас маманы Бағжан Керімханов су заңнамасын сақтау мәселесіне ерекше тоқталды.

– Су пайдалану талаптарын бұзу әкімшілік жауапкершілікке әкеледі. Сондықтан келісімшарттарды заң талаптарына сай рәсімдеу және бекітілген лимиттен аспау әр шаруаның міндеті, – деп ескертті маман.

Алакөл өндірістік учаскесінің су нысандарын пайдалану бөлімінің инженері Аслан Омаров техникалық тұрғыдағы жаңашылдықтарға тоқталып, су беру жүйесіндегі автоматтандыру элементтері кезең-кезеңімен енгізіліп жатқанын жеткізді.

– Алдағы уақытта су есептегіш құрылғыларын жаңарту және нақты мониторинг жүргізу жұмыстары күшейтіледі. Бұл суды тиімді пайдалануға оң әсерін тигізеді, – деді инженер.

Жиын барысында шаруалар тарапынан электрондық келісімшарт жасау тәртібі, құжаттарды рәсімдеу мерзімі және су беру кестесіне қатысты сұрақтар қойылып, сала мамандары тарапынан нақты жауаптар берілді.

Жалпы, аталған түсіндіру жұмыстары су ресурстарын ұтымды пайдалану, цифрлық жүйеге көшу және ауыл шаруашылығы саласында ашықтық пен тәртіпті күшейту бағытындағы маңызды қадамдардың бірі ретінде бағаланды.

Алакөл ауданы

ЭНЕРГЕТИКА



Жаңалыққа жаны құмар жаркенттіктер заманауи технология төңкерісіне үн қосып, сұйытылған табиғи газ бен күн нұры арқылы электр қуатын беретін батареялар стансысын үндестіріп, арзан қуат көзін өндіретін зауыттар сала бастады.

Жаңа жоба өңірдегі өндіріс орындары мен тұрғындарды қосымша электр қуатымен қамтамасыз етіп, көптеген жұмыс орынын ашпақ. Бұл жаңалық соңғы жылдары ауданның озық технологиялары топтасқан өңірге айналғанын аңғартады. Мұндағы «Қорғас-Шығыс қақпасы» арнайы экономикалық аймағында осы күнге дейін салынып, жұмыс істеп жатқан зауыт, фабрикаларға қосымша екі индустриялық-инновациялық жобалар жүзеге аспақ. Күн энергиясы арқылы 20 МВт электр қуатын беретін стансы мен табиғи газды сұйылтатын зауыт құрылысын іске қосу арқылы өңірдегі электр қуатына деген тапшылық пен бағаны төмендету еңсерілмек.

– Қазір жалпы аумағы 40 гектар жерді алып жатқан жаңа қуат көзіне арналған стансы құрылысы басталды. Онда жоғары технологиялық үлгідегі күн батареялары орнатылуда. Жобалау жұмыстарын «Jetisy terra power» компаниясы атқарды. Бұл қолданылып жүрген қаратайым стансы емес, әлемдік жетістіктермен жарақтанған қондырғылар, – дейді болашақ кәсіпорын жетекшісі Серікбай Көбелеков.

Фотоэлектрлік қондырғы жүйесі сапасы жоғары жарық береді. Термотөзімділікпен өңделген әйнектерден жасалған панельдер шыдамды әрі экологиялық стандарттарға сай. Нысанды іске қосу наурыз айының соңында жүзеге асырылады. Электр қуатына тапшылықты сезіне бастаған арнайы экономикалық аймақтағы өндіріс орындарын қамтамасыз етуге сенімділікті арттырумен қатар, жергілікті энергетикалық нарықтағы ортада бәсекені жоғарылатады. Оның электр қуатын арзандата түсуге сеп болары сөзсіз.

Салынып жатқан табиғи газды сұйылтатын зауыттың да стратегиялық маңызы зор. Ол өзіне қажет табиғи газды аудан аумағынан өтетін табиғи газ құбырынан алып, бастауында бірден сұйылтатын болады. Зауыттың сұйылтылған газ өңдеу қуаты жылына 1 миллион текше метрді қамтымақ. Өндіріс орнына қажет 387 гектар жер жаңа кәсіпорынға бөлініп берілді. Мамандар зауыт іргетасы мен конструкцияларын орната бастады.

Мырзағали НҮРСЕЙІТ
Панфилов ауданы

ТАҒЫЛЫМ



Фибраты мол ғұлмыр

Сарқан ауданының Құрметті азаматы, ауданның ауыл шаруашылық саласына ұзақ жылдан бері өз үлесін қосқан абыз ақсақалымыз Болат Рахметқалиев 90 жасқа толды. Каниша жылдан бері осы өңірдің өткенінің куәгерімен жиі жүздесіп, сұхбаттасудан шаршамапты. Мұндай диалогта бұл кісі ойлы-қырлы ұзақ жолының қуаныш-қызығын, арманы мен азабын, өкініші мен өкісін, күйініші мен сүйініштерін әңгімесіне арқау етеді.

Бір барғанында өзі ұдайы жаздырып алатын газеттердегі сөзжұмбақтарды шешіп отыр екен. Қарасам барлық сауалдың жауабы айқын жазылыпты. Кідірмей, мүдірмей берілген тақырыпты еңсеріп шығу екінің бірінің қолынан келмейді ғой. «Мымның үздіксіз жұмыс істеуін бақылау үшін осылай сөзжұмбақ, ребустарды шешу қолайлы екен», – дейді ағамыз.

Келесі бір жолы шежірені толықтырып, естелік жазбаларын жаңғыртып отырған үстіне дәл келдім. Ата-анасы, балалары туралы кеңінен әңгімеледі осы жолы.

– Адам тәрбиесінің қалыптасуы біріншіден ата-анасына байланысты. Екінші – ұстазынан алған білімі, үлгісі. Үшінші – өскен ортадағы жолдастары, үлгі тұтатын үлкен адамдар. Менің пайымдауымша, осы үш негіз адамның қалыптасуына зор әсер етеді, – дейді.

Болат ақсақал 1936 жылы 26 ақпанда Сарқан ауданының Белсенді ұжым-шарында дүниеге келіп, осы ауылда 4 сыныпты аяқтап, еңбекпен көзін ашып, тәрбиеленген ұрпақтың өкілі. 1953 жылы Сарқандағы Абай атындағы орта мектебін бітіріп, Қазақтың мемлекеттік ауыл шаруашылық институтына түсіп, 1959 жылы осы институттың инженер-механикалық факультетін тамамдаған ол мамандығы бойынша абыройлы қызмет атқарды. Шаруашылықтарда, «Казсельхозтехника» бірлестігінде бас инженер, осы бірлестіктің басқарушысы, аудандық тұтынушылар қоғамы автокөлік базасының директоры, бөлімше басқарушысы сынды қызметтердің қай-қайсысында да біліктілік танытып, биік белестен көрінді. Ұзақ та мағыналы ғұмырының айғағындай өңірін медальдар мен төсбелгілер өрнектеген ақылман ақсақалдың кейінгі буынға айтары көп.

Әкесі Рахметқали Екінші дүниежүзілік соғысқа аттанып, 1944 жылы хабарсыз кетіпті. Сол өңірдің бетке ұстар азаматы болған. Шатырбайдағы анау жылдардағы

ескі көздер Бөкенді көрсе құрақ ұшып, әкесінің азаматтығын айтып тауыса алмайтын. Құдай берген балаларына ғана емес, сол маңайдағы жетім-жесірлерге қамқор болып, бауырына басып, қанаттандырағын елдің есінен кете ме? Әкеден 5 жасында қалған біздің кейіпкеріміз ер мен әйелдің жүгін көтеріп, соғыс жылдарында ұжымшардың мал шаруашылығын басқарған шешесі Биғайшаның тәлім-тәрбиесімен өседі. Қанаттыға қақтырмады, түмсиктыға шоқыттырмады. Еркелетіп өсірген жоқ, еңбекпен шыңдап жетілдірді. Оқуын қадағалап жүріп, мектептен соң қолда бар малын сатып, жоғарғы оқу орнына екі-үш айға жететін азығын қамдап аттандырды. Осынау ұзақ ғұмырында анасының өнегесін бір сәт те естен шығармағанын мақтан тұтады ол.

– Аудан деңгейінде қызмет етіп жүргенде адам болып қалыптасуыма әсер еткен үлкендер аз болған жоқ. Менен 13-20 жас үлкен болса да сол кісілермен етене араластық. Жассың деп мені қатарларынан шеттетпеді. Бұл арада ең алдымен ойыма аудандық партия комитетінің бірінші хатшысы Мейіртай Әділтайұлы оралады. Ол кісі біздің ауданға бірінші басшы болып келген кезде қазақ кадрлары жоқтың қасы еді. Осы 1963-1970 жылдар аралығында ауданға қазақ кадрлары көптеп тартылды. Мен осы ағайымыздан әр сөзге мән беруді, аз сөйлеп, көп тыңдауды үйрендім. Қызметке уақытымен келуді, тәртіпті қатаң сақтауды, орынды шешім қабылдауды, қол астындағы адамдарға кекетпей, кемітпей, айтқанын бұлжытпай орындатуды үйрендім – дейді Болат Рахметқалиұлы.

Сол жылдары аудан прокуроры Биямет Сарымсақов, сот төрағасы Қанай Сүлейменов, аудандық оқу бөлімінің бастығы Мардан Бекмұханбетов, аудандық партия комитетінің хатшылары Қали Нүкенов, Қажымұқан Есімханов, ауыл

шаруашылығы басқармасының бастығы Оспанбек Боранбаев және осы саланың майталманы Тұрсын Мұқановты Болат ағамыздың өмірдегі тәлімгері десе болады. Осы кісілердің ортасында жүріп тағылымды тәрбие алды. Үлкендерді сыйлау, кішілерге ізет жасау, айналасындағы адамдарға сый-құрмет, кішіпейілділік, шыдамдылық, мейірімділік көрсету, ашуға берілмеу осы ортадан алған еншісі. Әсіресе, кез-келген мәселені шешерде он ойланып, тоғыз толғанып асықпай шешім қабылдаудың қызмет барысында пайдасы мол екені анық. Алдындағы ағаларының бәрінің де білімді, білікті, мейірімді, қайырымды, ұстамды, орнықты, өмір көрген кісілер болғаны Бөкеннің алар асуын биіктете түсті.

Өмір жолы біз ойлағандай теп-тегіс болмапты. «Неңді сенің аңсаймын бала шағым» деп Мұқағали ақын жырлағандай балалық кезеңі тым жұтаң. Әкенің соғысқа барған ізі бар, қайтқан ізі жоқ. Жалғыз шешесінің жан алып, жан беріскендей тынымсыз тірлігін көріп өсті. Армандаған оқуын бітірді, анасының қолын ұзартып үйленді. Перзент көрді, қызметке араласты. Алайда енді жетілдім бе дегенде қосағынан айырылды, қамшының сабы сынды. Дегенмен тағдыр сынағына сынбады, балаларына мейірімді ана, анасына тәрбиелі келін іздеді. Тапты да. Адал сүт емген жар жолықты, ұл-қыз сүйді, ұрпақ жалғасты. Балаларының барлығы жоғары білімді, тәрбиелі, білікті. Ел назарында жүретін жалғасының барына шүкіршілік етеді

ағамыз. Өз басы рухы мықты замандастарының сапында. Атағы ауданнан асып облысқа, республикаға белгілі батағой. Берген батасының мағынасы терең, тақырыпқа сай түрленіп отырады. Ежелгі жыр-аныздарды жақсы біледі. Қазақ қаламгерлерінің шығармаларынан үзінді оқиды, әлі күнге дейін жады мықты, ақындардың өлеңдерін жатқа біледі, жазушылардың орынды сөздерін, орайын тапқан сәзіл-қалжыңдарын жақсы отырыстарда сөзіне арқау етеді. Белгілі композитор жерлесіміз Күнсәйін Қуатбаевпен достығын, екеуінің оқуға бірге барғанын есіне алады. Халқымыздың өскелең өнерін сәулетті де сәнді сарай десек, «Таңсәріде» сынды өміршен әндерімен жүрт жадында мәңгі қалған Күнсәйін досын сол сарайдың шаңырағын ұстап тұрған алтын уықтарының біріне балайды. Кейіннен Күнсәйін арқылы қазақ сатирасының белді өкілі Оспанхан Әубәкіровпен бірге жүрген кездің сәулелі сәттерін қызықтыра отырып әңгімелейді. Өнердің өз перзенті, талантты тұлға есімінің туған жерінде жаңғыруына ағамыз бір адамдай үлес қосып келеді.

Зайыбы ардагер ұстаз, Сарқан ауданының Құрметті азаматы Тұрсынхан Нұрбатырқызы екеуі 50 жылдан артық ғұмыр кешіп, ұрпағының қызығын көру бақытына ие болды. 7 бала тәрбиелеп өсіріп, барлығының да өркен жайғанына, көгеріп-көктегеніне куә болды. Бүгінгі таңда 90 жасты еңсерген абыз ақсақал 15 немере, 24 шөбере сүйіп, шөпшектің қолынан май жалап, үрім-бұтағын басқосуларда әңгімесіне арқау етіп отырады.

Өзі айтқандай жақсылармен жана-сып жүрген, жарлыға қарасып жүрген, шалқудың шамасын білген, ақ-қараның арасын білген ақсақалымыздың ақыл-парасатымен кейінгіге айтар өсиеті мен жас буынға беретін өнегесі таусылмасын!

Жомарт ИГІМАН,
Қазақстанның Құрметті журналисі

БАЙҚАУ

Таланттарды тоғыстырған

Талдықорған қаласында жас өнерпаздардың басын қосқан дәстүрлі облыстық фестиваль-байқау өтті. Биылғы өнер додасына өңірдің түкпір-түкпірінен 140 бала қатысып, өз шеберлігін ортаға салды.

Медет ЖҰМАБАЙ



7 мен 17 жас аралығындағы өрендер үш жас ерекшелігі бойынша сынаға түсті. Домбыраның күмбірі, фортепианоның әуезі, хор ұжымдарының үйлесімді үні – көрерменге ерекше әсер сыйлады. Ұйымдастырушылар мұндай байқаулар ұлттық өнерді ұлықтаудың маңызды тетігі екенін айтты.

Шара облыстық білім басқармасының қолдауымен өтті. Негізгі мақсат – оқушылардың музыкалық-эстетикалық тәрбиесін жетілдіру, шығармашылық әлеуетін арттыру және өнер мектептерінің жұмысын дамыту. Бұл туралы облыстық білім басқармасы ғылыми-тәжірибелік орталығы директорының орынбасары Ақбаян Сунитова атап өтті. Оның сөзінше, байқау жеңімпаздары алдағы республикалық кезенге жолдама алып, өңір намысын қорғайтын болады.

Сахнаға алғаш рет шығып отырған қатысушылар да аз емес. Солардың бірі – фортепиано сыныбы бойынша өнер көрсеткен Кәусар Есімова. Ол пианиноға бір жыл бұрын ғана келгені, бірақ облыстық жарысқа алғаш рет қатысып отырғанын айтты.

– Пианино ойнаған кезде аздап қорықтым. Бірақ маған аспапта ойнаған ұнайды. Себебі ол адамды дамытады, – дейді жас өнерпаз.

Ақсу ауданы, Исатай Исабаев атындағы өнер мектебі жанындағы «Балауса» хор ұжымы бұл байқауға екінші жыл қатарынан қатысуда. Ұжым мүшесі Еркежан Нұрланқызы:

– Бұл жер балалардың шыңдалуына көмектесетін өте керемет деңгейдегі сайыс, – дейді. Расында да, мұндай дода жас өнерпаздарды жауапкершілікке, тәртіпке және кәсіби шеберлікке баулиды.

Байқау қорытындысында Н. Тілендиев атындағы балалар музыка мектебінің оқушысы Илария Этенко, орта жас топтар арасында «Жеке орындаушы» номинациясы бойынша балалар өнер мектебінің шәкірті Леон Ким, ересек топтар арасында «Жеке орындаушы» номинациясында Арита Ким, музыкалық ұжымдардың өнер көрсетуінде Ақсу ауданы И. Исабаев атындағы өнер мектебі Бас жүлде иегерлері атанды.

Топ жарып шыққан жеңімпаздар енді Астана қаласында өтетін республикалық кезенде бақ сынамақ. Бұл олардың шығармашылық жолындағы жаңа белес, үлкен сахнаға бастар қадам.

Жас өнерпаздардың жалындаған талабы мен сахнадағы сенімді қадамы өңір мәдениетінің ертеңіне деген сенімді нығайта түседі. Талантқа қолдау бар жерде руханияттың тамыры тереңдей беретіні сөзсіз.



МҰРА

ҰЛТТЫҢ ЖАНЫ, ЕЛДІКТІҢ АЙҒАҒЫ

Халқымыздың сан ғасырлық тарихы мен рухани болмысы оның ұлттық өнерінде көрініс табады. Атадан балаға мирас болып келе жатқан бұл асыл қазына – ұлттың жаны, елдіктің айғағы. Ұлттық өнерді насихаттау – тек мәдени шара емес, ол болашақ ұрпақ алдындағы қасиетті міндет.

Қазақтың қолөнері – шеберліктің шыңы. Киіз үйдің сүйегін жасау, текемет басу, сырмақ сыру, зергерлік бұйымдар соғу – барлығы да терең талғам мен шынайы шеберлікті қажет етеді. Әсіресе, ою-өрнектердің әрбір сызығында халқымыздың дүниетанымы мен философиясы жатыр. Ұрпақтан ұрпаққа жалғасып келе жатқан

асыл мұраны оқушыларға үйрету мақсатында мектебімізде шеберлік сыныптары жиі ұйымдастырылады. Онда балалар дәстүрлі киіз басу технологиясымен қатар шығармашылық бағыттағы заманауи әдістерді үйренуде.

Жалпы, киіздің өмірімізде алатын орны ерекше. Оның өзіне тән бір жылы энергиясы бар керемет материал. Та-



биғи, экологиялық таза, энергетикасы мол, гипоаллергенді, емдеу қасиеті бар адамға пайдалы дүние. Қазақстанды киіздің отаны деуге болады. Әр елдің киіз жасау әдіс-тәсілдері түрлі болғанымен, қажетті шикізат бірдей – жүн,

су, қолдың күші. Бұл дегеніміз жасау технологиясы бірдей деген сөз. Киіз басу процесі адам денсаулығына да өте пайдалы. Оқушылардан бұл жұмысты жасау барысында ұлттық мұраға деген ерекше құрметті байқаймын.

Жүннен жасалатын бұйымдарды жасауда өзіміздің отандық таза табиғи өнімді пайдаланамыз. Өнімді үй жағдайында өсімдік материалдарымен, табиғи бояғыштармен бояймыз. Шәкірттеріміздің киізден басылған заманауи эксклюзивті-дизайнерлік кимдерді шығарып, жүннен тұрмысқа қажетті бұйымдар жасап, киіз басып, тоқымашылық өнерді жалғастырып, қазақтың текті өнерін әлемге танытатындарына сенімдімін. Атадан қалған ұлттық өнер – ұлттың баға жетпес байлығы. Оны сақтау, дамыту және насихаттау – әрбір қазақтың азаматтық борышы. Сондықтан ұлттық мұраныңды ұлықтап, жас ұрпақтың санасына сіңіру әрбіріміздің міндетіміз екенін ұмытпайық.

Эльмира ЖУМАГУЛОВА,
Шестаков атындағы орта мектебінің көркем еңбек пәні мұғалімі
Ескелді ауданы

ФОРУМ



ҚАУІПСІЗДІК — әр адамның құқығы

Алакөл ауданы әкімдігінің мәжіліс залында «Сталкингті тоқтат: қауіпсіздік — әр адамның құқығы» атты форум өтті. Қоғамдағы қауіпсіздікті күшейту, сталкингтің алдын алу, тұрғындардың құқықтық сауаттылығын арттыру және мемлекеттік органдар мен қоғам арасындағы өзара іс-қимылды нығайтуды мақсат еткен форумға құқық қорғау органдарының өкілдері, аудандық ардагерлер кеңесі мен аналар кеңесі мүшелері, білім беру және денсаулық сақтау саласының мамандары, аудандық бөлімдер мен мекемелер қызметкерлері, сондай-ақ, пробация қызметінің өкілдері қатысты.

Қажет АНДАС

Арнайы қонақ ретінде облыстық полиция департаменті қоғамдық қауіпсіздік басқармасының отбасылық-тұрмыстық зорлық-зомбылыққа қарсы күрес бөлімінің бастығы, полиция подполковнигі Серік Байғозинов қатысқан жиында аудандық полиция бөлімі бастығының орынбасары, полиция майоры Азамат Абдильдаев сталкингтің қоғамға төндіретін қаупі және оның алдын алу жолдарына тоқталды. Аудандық прокуратураның прокуроры Ерасыл Ондабаев сталкингке байланысты құқықтық жауапкершілік мәселелерін түсіндірді. Сондай-ақ, «Жанұя» отбасы проблемалық бағыттары, облыстық мәслихат депутаты Алмат Садиев, аудандық орталық аурухананың психологы Әйгерім Әліпбекова жәбірленушілерге психологиялық қолдау көрсету тетіктері жөнінде тәжірибесімен бөлісті.

Жиын барысында қатысушылар тарапынан ұсыныстар айтылып, сұрақ-жауап форматында пікір алмасу өтті. Соңында құқықтық сауаттылықты арттыру, алдын алу шараларын күшейту, мемлекеттік органдар мен қоғам арасындағы байланысты жаңыландыру, жастарға арналған түсіндіру жұмыстарын жүйелеу бағытында нақты ұсыныстар қабылданды.

Алакөл ауданы

МЕМЛЕКЕТТІК ҚЫЗМЕТ

АШЫҚТЫҚ — сапаны арттырады

Мемлекеттік қызмет көрсету сапасын арттыруда көптеген жаңашылдық енгізіліп, департамент жұмысы басты басымдықтарының біріне айналды. Қазіргі таңда бұл бағытта бірнеше маңызды тетіктер жүзеге асты.

Біріншіден, цифрландыру үдерісі күшейтілді. Азаматтардың өтініштерін жедел қабылдау және кері байланыс орнату мақсатында электрондық үкімет порталының Telegram-боты — EgovKzBot2.0 (@Kenes1414Bot) белсенді қолданылуда. Бұл құрал азаматтарға мемлекеттік қызмет алу барысында туындаған мәселелер туралы жедел хабарлауға мүмкіндік береді. Яғни, нақты шағымдар мен талдау нәтижелеріне сүйене отырып ұйымдастырылады. Бұл артық әкімшілік жүктемені азайтып, нақты проблемалық бағыттарға назар аударуға мүмкіндік туғызады. Тағы бір маңызды бағыт — профилактикалық жұмыс. Мемлекеттік органдарға әдістемелік түсіндіру жұмыстары жүргізіліп, заңнама талаптарын дұрыс қолдану бойынша ұсынымдар берілуде. Мақсат — бұзушылықтарды анықтаудан бұрын олардың алдын алу.

Қазіргі уақытта Telegram-бот арқылы 14 азаматтан өтініш келіп тұр-ті. Бұл азаматтардың мемлекеттік қызмет алу барысында туындайтын мәселелерді шешуде цифрлық арналарды белсенді түрде пайдаланып отырғанын көрсетеді. Telegram-бот — тұрғындар үшін қолжетімді, жедел әрі ыңғайлы кері байланыс құралы. Ол азаматтарға өз өтінішін кез келген уақытта жолдауға мүмкіндік береді.

Өткен жылы келіп түскен өтініштер негізінде 5 тексеру іс-шарасы ұйымдастырылды. Тексеру барысында мемлекеттік қызмет көрсету саласындағы заңнама талаптарының сақталуы жан-жақты зерделенді. Нәтижесінде бірқатар заң бұзушылық анықталды. Атап айтқанда, мемлекеттік қызмет көрсету мерзімдерінің сақталмауы, құжаттарды негізсіз талап ету, рәсімдердің толық орындалмауы сияқты кемшіліктер тіркелді. Бұл тексерулер — жазалау емес, ең алдымен заң талаптарының сақталуын қамтамасыз ету және кемшіліктерді болдырмау.

Анықталған заң бұзушылықтар бойынша жауапты лауазымды тұлғалар қолданыстағы заңнамаға сәйкес тәртіптік және әкімшілік жауапкершілікке тартылды. Сонымен қатар, мемлекеттік органдарға бұзушылықтарды жою және алдағы уақытта қайталамау жөнінде нақты ұсынымдар берілді. Әрбір нақты өтініш бойынша әділ шешім қабылданып, азаматтардың заңды мүдделері қорғалды.

Азаматтарды мемлекеттік қызмет алу барысында орын алған заң бұзушылықтар туралы жедел хабарлау үшін цифрлық кері байланыс құралдарын, соның ішінде Telegram-ботты белсенді пайдалануға шақырамыз. Ашықтық пен қоғаммен кері байланыс — мемлекеттік қызмет көрсету сапасын арттырудың негізгі тетіктерінің бірі.

Елдар ҚЫЗЫАЙБЕКОВ,
мемлекеттік қызмет істер агенттігінің Жетісу облысы бойынша департаментінің мемлекеттік көрсетілетін қызметтер басқармасының бас маманы

ХАБАРЛАНДЫРУ

«Интергаз Орталық Азия» АҚ «Алматы» магистральдық газ құбырлары басқармасы» филиалы ҚР Экологиялық кодексінің талаптарына сәйкес ашық жиналыс нысанында қоғамдық тыңдаулар өткізілетіні туралы хабарлайды.

1. Жобаның атауы: «Талдықорған-Ушарал» газқұбырының жол берілетін шығарындылар нормативтері және қалдықтарды басқару бағдарламасы.

2. Әсер ету аумағы: ҚР, Жетісу облысы, Талдықорған қаласы, Ескелді ауданы, Қаратал ауданы, Ақсу ауданы, Сарқан ауданы, Алакөл ауданы.

Координаттары: 45°23' с. ш. 79°30' в. д.

3. Қоғамдық тыңдаулар өтеді: 2026 жылғы 30 наурыз сағат 11.00-де ҚР, Жетісу облысы Ақсу ауданы, Жансүгіров ауылы, Желтоқсан көшесі 5 «В», акимат ғимараты.

4. Жоспарланған қызметтің бастамашысы: «Интергаз Орталық Азия» АҚ «Алматы» магистральдық газ құбырлары басқармасы» филиалы, Мамбеков Б. К., эл.пошта: Mambekov@ica.kz, тел.: +7 777 557 53 33.

5. Жобалық құжаттама пакетімен ақпараттық жүйеде танысуға болады <https://ndbecology.gov.kz/>, сондай-ақ «Жетісу облысының Табиғи ресурстар және табиғат пайдалануды реттеу басқармасы» ММ сайтында «Қоғамдық тыңдаулар» бөлімінде.

6. Ескертулер мен ұсыныстар қоғамдық тыңдаулар өткізілгенге дейін 3 жұмыс күнінен кешіктірмей қабылданады: электрондық мекенжайлар бойынша: priroda@zhetisu.gov.kz

Тыңдауларға қатысу үшін <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> конференция идентификаторы: 898 5845 0238; Кіру коды: 0000 бойынша өту қажет.

ОБЪЯВЛЕНИЕ

Филиал «Управление магистральных газопроводов «Алматы» АО «Интергаз Центральная Азия», в соответствии с требованиями Экологического кодекса РК, уведомляет о проведении общественных слушаний в форме открытого собрания.

1. Наименование проекта: нормативы допустимых выбросов и программа управления отходами для газопровода «Талдықорған-Ушарал».

2. Территория воздействия: РК, область Жетысу, Ескельдинский район, Аксуский район, Саркандский район, Алакольский район.

Координаты участка и территории воздействия: 45°23' с. ш. 79°30' в. д.

3. Общественные слушания состоятся: 30 марта 2026 года в 11.00 часов по адресу: РК, область Жетысу, Аксуский район, пос. Жансугуров, улица Желтоқсан 5 «В», в здании акимата.

4. Инициатор намечаемой деятельности: Филиал «Управление магистральных газопроводов «Алматы» АО «Интергаз Центральная Азия», Мамбеков Б. К., эл.почта: Mambekov@ica.kz, тел.: +7 777 557 53 33.

5. С пакетом проектной документации можно ознакомиться на информационной системе <https://ndbecology.gov.kz/>, а также сайте ГУ «Управление природных ресурсов и регулирования природопользования Жетысуйской области», в разделе «Общественные слушания».

6. Замечания и предложения принимаются не позднее 3-х рабочих дней до проведения общественных слушаний: по электронным адресам: priroda@zhetisu.gov.kz

Для участия в видеоконференцсвязи ZOOM слушания: <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> Идентификатор конференции: 898 5845 0238 Код доступа: 0000

ХАБАРЛАНДЫРУ

«Интергаз Орталық Азия» АҚ «Алматы» магистральдық газ құбырлары басқармасы» филиалы ҚР Экологиялық кодексінің талаптарына сәйкес ашық жиналыс нысанында қоғамдық тыңдаулар өткізілетіні туралы хабарлайды.

1. Жобаның атауы: «Талдықорған-Ушарал» газқұбырының жол берілетін шығарындылар нормативтері және қалдықтарды басқару бағдарламасы.

2. Әсер ету аумағы: ҚР, Жетісу облысы, Ескелді ауданы, Ақсу ауданы, Сарқан ауданы, Алакөл ауданы.

Координаттары: 46°04'52" с. ш. 81°45'51" в. д.

3. Қоғамдық тыңдаулар өтеді: 2026 жылғы 31 наурыз сағат 12.00-де ҚР, Жетісу облысы, Алакөл ауданы, Ушарал қаласы, Қонаев көшесі 74, акимат ғимараты.

4. Жоспарланған қызметтің бастамашысы: «Интергаз Орталық Азия» АҚ «Алматы» магистральдық газ құбырлары басқармасы» филиалы, Мамбеков Б. К., эл.пошта: Mambekov@ica.kz, тел.: +7 777 557 53 33.

6. Ескертулер мен ұсыныстар қоғамдық тыңдаулар өткізілгенге дейін 3 жұмыс күнінен кешіктірмей қабылданады: электрондық мекенжайлар бойынша: priroda@zhetisu.gov.kz

Тыңдауларға қатысу үшін: <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> конференция идентификаторы: 898 5845 0238; Кіру коды: 0000 бойынша өту қажет.

ОБЪЯВЛЕНИЕ

Филиал «Управление магистральных газопроводов «Алматы» АО «Интергаз Центральная Азия», в соответствии с требованиями Экологического кодекса РК, уведомляет о проведении общественных слушаний в форме открытого собрания.

1. Наименование проекта: нормативы допустимых выбросов и программа управления отходами для газопровода «Талдықорған-Ушарал».

2. Территория воздействия: РК, область Жетысу, Ескельдинский район, Аксуский район, Саркандский район, Алакольский район.

Координаты участка и территории воздействия: 46°04'52" с. ш. 81°45'51" в. д.

3. Общественные слушания состоятся: 31 марта 2026 года в 12.00 часов по адресу: РК, область Жетысу, Алакольский район, город Ушарал, улица Конаева 74, в здании акимата.

4. Инициатор намечаемой деятельности: Филиал «Управление магистральных газопроводов «Алматы» АО «Интергаз Центральная Азия», Мамбеков Б. К., эл.почта: Mambekov@ica.kz, тел.: +7 777 557 53 33.

5. С пакетом проектной документации можно ознакомиться на информационной системе <https://ndbecology.gov.kz/>, а также сайте ГУ «Управление природных ресурсов и регулирования природопользования Жетысуйской области», в разделе «Общественные слушания».

6. Замечания и предложения принимаются не позднее 3-х рабочих дней до проведения общественных слушаний: по электронным адресам: priroda@zhetisu.gov.kz

Для участия в видеоконференцсвязи ZOOM слушания: <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> Идентификатор конференции: 898 5845 0238 Код доступа: 0000

ХАБАРЛАНДЫРУ

«Интергаз Орталық Азия» АҚ «Алматы» магистральдық газ құбырлары басқармасы» филиалы ҚР Экологиялық кодексінің талаптарына сәйкес ашық жиналыс нысанында қоғамдық тыңдаулар өткізілетіні туралы хабарлайды.

1. Жобаның атауы: «Талдықорған-Ушарал» газқұбырының жол берілетін шығарындылар нормативтері және қалдықтарды басқару бағдарламасы.

2. Әсер ету аумағы: ҚР, Жетісу облысы, Ескелді ауданы, Ақсу ауданы, Сарқан ауданы, Алакөл ауданы.

Координаттары: 45°24'36" с. ш. 79°55'07" в. д.

3. Қоғамдық тыңдаулар өтеді: 2026 жылғы 30 наурыз сағат 15.00-де ҚР, Жетісу облысы, Сарқан ауданы, Сарқан қаласы, Тәуелсіздік көшесі 111, акимат ғимараты.

4. Жоспарланған қызметтің бастамашысы: «Интергаз Орталық Азия» АҚ «Алматы» магистральдық газ құбырлары басқармасы» филиалы, Мамбеков Б. К., эл.пошта: Mambekov@ica.kz, тел.: +7 777 557 53 33.

5. Жобалық құжаттама пакетімен ақпараттық жүйеде танысуға болады <https://ndbecology.gov.kz/>, сондай-ақ «Жетісу облысының Табиғи ресурстар және табиғат пайдалануды реттеу басқармасы» ММ сайтында «Қоғамдық тыңдаулар» бөлімінде.

6. Ескертулер мен ұсыныстар қоғамдық тыңдаулар өткізілгенге дейін 3 жұмыс күнінен кешіктірмей қабылданады: электрондық мекенжайлар бойынша: priroda@zhetisu.gov.kz

Тыңдауларға қатысу үшін <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> конференция идентификаторы: 898 5845 0238; Кіру коды: 0000 бойынша өту қажет.

ОБЪЯВЛЕНИЕ

Филиал «Управление магистральных газопроводов «Алматы» АО «Интергаз Центральная Азия», в соответствии с требованиями Экологического кодекса РК, уведомляет о проведении общественных слушаний в форме открытого собрания.

1. Наименование проекта: нормативы допустимых выбросов и программа управления отходами для газопровода «Талдықорған-Ушарал».

2. Территория воздействия: РК, область Жетысу, Ескельдинский район, Аксуский район, Саркандский район, Алакольский район.

Координаты участка и территории воздействия: 45°24'36" с. ш. 79°55'07" в. д.

3. Общественные слушания состоятся: 30 марта 2026 года в 15.00 часов по адресу: РК, область Жетысу, Саркандский район, город Сарканд, улица Тауелсіздік 111, в здании акимата.

4. Инициатор намечаемой деятельности: Филиал «Управление магистральных газопроводов «Алматы» АО «Интергаз Центральная Азия», Мамбеков Б. К., эл.почта: Mambekov@ica.kz, тел.: +7 777 557 53 33.

5. С пакетом проектной документации можно ознакомиться на информационной системе <https://ndbecology.gov.kz/>, а также сайте ГУ «Управление природных ресурсов и регулирования природопользования Жетысуйской области», в разделе «Общественные слушания».

6. Замечания и предложения принимаются не позднее 3-х рабочих дней до проведения общественных слушаний: по электронным адресам: priroda@zhetisu.gov.kz

Для участия в видеоконференцсвязи ZOOM слушания: <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> Идентификатор конференции: 898 5845 0238 Код доступа: 0000

ХАБАРЛАНДЫРУ

«Интергаз Орталық Азия» АҚ «Алматы» магистральдық газ құбырлары басқармасы» филиалы ҚР Экологиялық кодексінің талаптарына сәйкес ашық жиналыс нысанында қоғамдық тыңдаулар өткізілетіні туралы хабарлайды.

1. Жобаның атауы: «Талдықорған-Ушарал» газқұбырының жол берілетін шығарындылар нормативтері және қалдықтарды басқару бағдарламасы.

2. Әсер ету аумағы: ҚР, Жетісу облысы, Ескелді ауданы, Ақсу ауданы, Сарқан ауданы, Алакөл ауданы.

Координаттары: 44°54'32" с.ш. и 78°29'32" в. д.

3. Қоғамдық тыңдаулар өтеді: 2026 жылғы 1 сәуір сағат 11.00-де ҚР, Жетісу облысы, Ескелді ауданы, Қарабұлақ кенті, Оразбеков көшесі 67, акимат ғимараты.

4. Жоспарланған қызметтің бастамашысы: «Интергаз Орталық Азия» АҚ «Алматы» магистральдық газ құбырлары басқармасы» филиалы, Мамбеков Б. К., эл.пошта: Mambekov@ica.kz, тел.: +7 777 557 53 33.

5. Жобалық құжаттама пакетімен ақпараттық жүйеде танысуға болады <https://ndbecology.gov.kz/>, сондай-ақ «Жетісу облысының Табиғи ресурстар және табиғат пайдалануды реттеу басқармасы» ММ сайтында «Қоғамдық тыңдаулар» бөлімінде.

6. Ескертулер мен ұсыныстар қоғамдық тыңдаулар өткізілгенге дейін 3 жұмыс күнінен кешіктірмей қабылданады: электрондық мекенжайлар бойынша: priroda@zhetisu.gov.kz

Тыңдауларға қатысу үшін <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> конференция идентификаторы: 898 5845 0238; Кіру коды: 0000 бойынша өту қажет.

ОБЪЯВЛЕНИЕ

Филиал «Управление магистральных газопроводов Алматы» АО «Интергаз Центральная Азия», в соответствии с требованиями Экологического кодекса РК, уведомляет о проведении общественных слушаний в форме открытого собрания.

1. Наименование проекта: нормативы допустимых выбросов и программа управления отходами для газопровода «Талдықорған-Ушарал».

2. Территория воздействия: РК, область Жетысу, Ескельдинский район, Аксуский район, Саркандский район, Алакольский район.

Координаты участка и территории воздействия: 44°54'32" с.ш. и 78°29'32" в. д.

3. Общественные слушания состоятся: 1 апреля 2026 года в 11.00 часов по адресу: РК, область Жетысу, Ескелдинский район, пос. Карабулак, улица Оразбекова 67, в здании акимата.

4. Инициатор намечаемой деятельности: Филиал «Управление магистральных газопроводов «Алматы» АО «Интергаз Центральная Азия», Мамбеков Б. К., эл.почта: Mambekov@ica.kz, тел.: +7 777 557 53 33.

5. С пакетом проектной документации можно ознакомиться на информационной системе <https://ndbecology.gov.kz/>, а также сайте ГУ «Управление природных ресурсов и регулирования природопользования Жетысуйской области», в разделе «Общественные слушания».

6. Замечания и предложения принимаются не позднее 3-х рабочих дней до проведения общественных слушаний: по электронным адресам: priroda@zhetisu.gov.kz

Для участия в видеоконференцсвязи ZOOM слушания: <https://us05web.zoom.us/j/89858450238?pwd=J4LDJRaAs5JbPn141qtwrOV1vBkIVm.1> Идентификатор конференции: 898 5845 0238 Код доступа: 0000

ҚҰРЫЛТАЙШЫ:

«Жетісу облысы әкімінің аппараты» мемлекеттік мекемесі

Меншік иесі:

ШЖҚ «Жетісу Медиа» МКК

Басшының міндетін атқарушы: Марал ДАУТАЛИНОВА

Басшының қабылдау бөлмесі: 40-20-71

Бас редактор: Жұматай ӘМІРЕ

Газет Қазақстан Республикасы Ақпарат және қоғамдық даму министрлігінің Ақпарат комитетінде 2023 жылғы 13 ақпанда тіркеліп, № KZ44VPY00064518 куәлігі берілген.

Таралу аумағы: Қазақстан Республикасы

Мекенжайымыз:

Талдықорған қаласы, Жұмахан Балапанов көшесі, 28.

Қабылдау бөлмесі — 40-20-64, жарнама бөлімі — 40-20-69, 8 775 355 89 58, 8 747 410 69 09.

Меншікті тілшілер:

Панфилов ауданы — 8-708-442-43-76, Сарқан, Ақсу аудандары — 8 701 779 19 38.

Газет табыс етілмесе — 8 (7282) 30-69-47 телефонына хабарласу керек.



Кезекші редактор: Қажет АНДАС

Жарияланған мақала авторларының пікірлері редакция көзқарасын білдірмейді.

Жарнама мен хабарландырулардың мазмұны мен мәтініне жарнама беруші жауапты.

Компьютерде 16-шы қаріпмен терілгенде 4 беттен асқан материал қабылданабайды.

«Jetisy» газеті мен сайтында жарияланған материалдарды көшіріп басу үшін редакцияның жазбаша рұқсаты керек.

Сур